Bow sohow Gen: Sect 16.5-83 again)

जितेन्द्र उधमपुरी



जितेन्द्र उधमपुरी जन्म (नवम्बर, १९४४) शिक्षा : ऐम० ए (इतिहास), ऐम० ए (हिन्दी), ऐम० ऐड; आनर्जं इन उर्दू, हिन्दी, डोगरी।

अज्ज डोगरी भाषा गी जितेन्द्र उघमपुरी ज्नेह् साघक दी लोड़ ऐ।

— प्रो० रामनाथ शास्त्री
श्री जितेन्द्र उधमपुरी ने डोगरी कवता च नम्रें
समां नमें प्रयोग बरतन दा सफल प्रयास कीता ऐ।
— दीनू भाई 'पन्त'

'जितेन्द्र' - मेरा साथी, मेरा अपना। मिगी ओदियां रचना पसंद न।.. समें दा ए चतेरा, मिगी पूरी पूरी मेद ऐ, कण्डें दी मिट्टी-मिट्टी पीड़े च होर बी सन्हाकड़ियों कलियों गी जन्म देग।

. - मध्कर

आदरजोग— औ विजय समन जी ने श्रीमती सपनमाला हन्दी सेवा च,

> — जित्नद्र अपमपुरि 18.8.75



# बनजारा

जितेन्द्र उधमपुरी



प्रेम प्रकाशन, जम्मू ।

### BANJARA (Dogri Poems) Jitender Udhampuri

C जितेन्द्र उधमपुरी

पहला संस्करण:

दिसम्बर १९७४

0

मुल्ल: ४ रपे

C

मिलने दा पता : डोगरी संस्था, जम्मू डोगरा मण्डल, जम्मू

मुद्रक: एस. एन. मगोत्रा प्रिटिंग प्रैस, जम्मू ।

इस सग्रह गी छापने आस्तै कल्चरल श्रकादमी पासया थोई दी माली मदाद लेई लेखक श्रोदा श्राभारी ऐ।

डोगरी संस्था पासया मिले दे योगदान लेई लेखक स्रोदा बी स्नाभारी ऐ।

### पनछान

8	ए दुआर मने दा	8 8
२	आस	१२
N	माली	१३
४	गज भर दूरी	१४
X	मेरे गीत	१५
Ę	कविता	१=
9	चोर	88
5	गजल	58
9	भूसमुसा	22
80	मेरा जीवन	२३
28	वनजारा	58
१२	इक सलाह इक मशबरा	२६
१३	ए चन्न तुन्दा	२९
88	गज़ल	35
१५	पास-बुक	३३
१६	कैद्दी	३४
१७	तुन्दे बाद	37
१८	खुदमुखत्यारी	3 €
28	इक बरान लाका	३८
२०	मेला	38
२१	त्राह्	86

२२	गजल	82
२३	इक व्हार नमीं	४३
28	काल	88
२४	तुस चाहो बी तां	४५
२६	में	80
२७	हीला	४९
२८	इक दुआस संज	28
28	गज़ल	XS
३०	इक नां मेरा होंदा	ΥĘ
38	इक माडर्न पेंटिंग	४६
32	तांग	६०
33	गजल	६२
38	इक खत-इक चिट्ठी	६३
३५	निहालप	६४
३६	मन करदा ऐ	६४
३७	कल	६७

## ए संग्रह

#### 1

कवता खोज ते सृजन दी किया ऐ। ए खोज मेरे स्हार्बे अज्ज दे किव दे अपने अन्दरें दी खोज ऐ ते उसदे राहें जीवन दी। इनें दीनें गल्लें दा प्रमाण श्री जितेन्द्र उघमपुरी हुन्दा कविता संग्रह ''बनजारा'' ऐ।

श्री जितेन्द्र उधमपुरी इक उच्चे दर्जे दे कवि न, ते प्रौढ़ वहानीकार वी । दर-ग्रसल इक कलाकार दे व्यक्तित्व दी छाप उसदे चिन्तन ते सूजन दोनें पर टकोदो हुन्दी ऐ । इक ग्रादमी दे तौर पर श्री उधमपुरी गम्भीर, पैनी सूझ-बूझ ते गुज्जा श्रध्ययन रखने श्राले कलाकार न । उन्दा सभा-स्वातम जित्थें टिकेदा, ते हिरख-प्यार कन्नें भरे-रंगोए दा ऐ, उत्थें, श्रो जीवन दे पुल्लें, कदरें ते मानूं दे मनोविज्ञानक तत्थें गी भलेयां जानदे पन्छानदे न ।

वनजारा संग्रह च इक सुर मता प्रवान ऐ। स्रो ऐ पीड़ दा सुर, दर्द दा नगमा। ते ए सुर जिनें भावें राहें जित्यें वी परतक्ख होए दा ऐ उसदी गूंज सबूरी मनुक्खता दे दर्द दी गूंज सेई हुंदी ऐ।

अज्ज दी मतीसारी कवता दा मुख्य स्वर मानूं दी यातना गै।
पर बनजारा संग्रह दियें सोरियें कवताएं दा सुर इक ऐसे आदमी दे
सूखम ते सोहल भावें, कल्पनाएं, पीड़ें ते गुज्झे भेतें दा लेखा-जोखा
ऐ जेढ़ा इक्कला होइयें समूचे जीवन दी नुमाइंदगी करदा ऐ, ते
सब्बनें दा प्रतिनिधि हुन्दे होई बी इक्कला-मुकला ऐ।

'मेरा जीवन', 'त्राह', 'इक ब्हार नमीं', 'कैदो', 'पास-बुक' ए कवतां प्रतीकात्मक कवताएं दे सरोखड़ नमूने न । इन्दे च उधमपुरी हुन्दा शिल्प ते काव्य-साधना दोवं अपने सबूरे गुर्शे समेत परतक्ख होए देन। ''मेरे गीत'' दियां ए पक्तियां:—

> "ए मेरे भावें दे पक्खरू समें दे फगें उप्पर भरी इक लम्मी डुआरी जाई पुजङन दूर दराडें ते धर-घर जाई वंडङन इक आस जीने दो ।"

ते ''त्राह'' दियां ए पिनतयां : —

''बदलें दे तम्यू तनोए दे

हीखी दे किल्ले गड़ोए दे

होनी दी कानी त्रिक्खी ऐ
समें दो नज़र पैनीं ऐ।'

श्री जितेन्द्र उधमपुरी होरों गी शायरी दे उस मुकाम पर पुजाई दिन्दियां न, जित्थों खड़ोइयें किव इक समें, इक संदमं ते इक जात दी नेईं, हर समें, हर जात ते हर संदमं दी गल्ल धाखिये अपना आप मनवाई लैन्दा ऐ।

डोगरी कवता खेतर च 'बनजारा' संग्रह दा ग्रपना टकोदा, मीलिक ते बड़ा उच्चा स्थान ऐ। में समभनां जे डोगरी भाषा दे उच्चे भाग न जे उसगी उधमपुरी हुन्दे जने लगन, जनून ते निस्व। र्थ भाव कन्ने लिखने ग्राले साधक थोए न।

ओ० पी० शर्मा 'सारथी'

समर्पण

0

पूज्य पिता, पूज्या नानी ते बूआ जी गी।



सदा अपनी जिन्दड़ी दायरो ।

में ते ए नित्त गै भार ढोंदा रेया ।।

तेरे चेतें दी सूच्ची कली जो खिड़ी ।

हार गीतें दे सुच्चे परोदा रेया ।।



## ए दुआर मने दा

半

तेरा चेता औंदे गैं
सुरकन लगदे न
तार जिन्दड़ी दे,
आसें दियां बाह, मां
होई जंदियां न लिम्मयां,
तनोई जंदी ऐ
चादर ही खियें दी,
ते भोली अनिखयां
रूपै दियां लोभी
बल्लें ने जाई
खोल्ली दिन्दियां न
दुआर मने दा।

हीखी दे बद्दल छाए दे न, सोचें दी बारी खुल्ली ऐ, भूरें दियां सीखां मुट्टियां न ३ पर, फी बी --इक आस नमानी दिवखै करदी झांके करदी किन्ने चिरै दी खबरै की ....?

मेरे सिर
अलजाम ऐ
जे में भाएं
कड़कदी घुष्प नई दिक्खी
दरदी बरखा नई नाची
पर
फुल्लें दे कन्से-कन्ने
अनगिनत कंडें दा वो
जनमदाता में आं।

हासें दे लोभियो छलैंपें दे शकीनो ते रूपें दे पारिखयो दनां क न्यां करयो— मेरे इस जुर्मा दी मिगी भला सजा के ऐ • • • • ?

# गज़ भर दूरी

\*

सजनी, तूं ते में---काली न्हेरी गुफा दे इक सिरे उपर आमने - सामने आं चिर पछान्, ते अपनी बे - बसी उप्पर रौंह् ने घूरदे - दिक्खदे इक दूए गी, बज्झे दे आं मरयादा दे घेरें अजंता दे दो बुत्तें साई। जो लंघी नि सके टप्पी नि सके ए गज़ भर दूरी जुगें जुगें शा • • • ।

मेरे गीत न इक सदा व्हार बूटा जिदी कलम आं अज्ज में ला करना ते जिसगी देई विरह दा पानी कोमल पालै करना जवानी दे तपदे सेकें ने ।

में जदूं नईं होना ऐ
इस दुनियां अन्दर
इसने तदूं बी बयना ऐ
फलना-फुलना ऐ
दस्सनी ऐ रंगत अपनी
ते देने न—
पत्तर नमें
बूर नमें

फी जेदी ठन्डिया छामां —

भौने आले जुगै दे नमें मानु राह् - राहं,दू ते भुल्ले - भटके अपने जीवने दी बत्ता दी कड़कदी घुष्पा दना 'क आई बसोङन ते अपने दर्द - बेदन घुटन-धुखन दों पल इत्थें बेई फरोलङन।

ए गीत मेरे
हिरखी-बजोगी
चुप - चपीते
आई सरकुङन
उस जुगे दे
सुच्चे ओठे दे उप्पर।
जा कोई
बजोगी - बजोगन
स्याले दियें लम्मियें रातीं
अपने घुखदे मनें
सिज्जे दे नेनें
खड़ोई दौं कींगरें उप्पर
कुसै कुंजू - चैंचली साईं

कोई लम्मी भाख लाङन ते तुपङन मीत - कैंत अपने भेरे गीते दे मेल्ले अन्दर :

ए मेरे भावं दे पक्खरू समें दे फंगे उप्पर भरी इक लम्मी डुआरी जाई पुजड़न दूर - दराई ते छूई लैंडन उच्चे गासें गी, ते मेरी तांगें दियां रंगीन फुल - कलियां जाड़ें - प्हाड़ें उच्चियें - धारें गैली - बजारें ते घर - घर जाई बंडड़न इक आस जीने दी।

अंघी - झनखड़ ते मारू भौड़ां रात बी ऐ किश अत्त न्हेरी समें दी चक्की ने पाए दा ऐ घरमोल जन, हीले, हौंसले सब्बै लचार न ग्रग हीने जन अपनी बे - बसी उप्पर, में फी बी अपना ए मछुआ जिन्दड़ी दा ठेलै करना धिवकै करना पता नि किस स्हारै • • • ?

ए जीवन ऐ · · · हसदा - गांदा छल - छलांदा अपनी मरजादा दे कंढें बज्झेया इक दरया पवित्र इक निर्मल गंगा, पर, ए गंगा निर्मल गंगा जदूं बी तरोड़ी बन्न अपने छोडी देऐ कंढें दी मरजादा ते बगा निकले इक आवारा जन तां बनी जन्दी ऐ इयै इक तवाही इक प्रल्य । ते फी इयां गै इस्से चाली, जदूं बी जिसले कदें

बनजारा १६

कोई मराकड़
कोई जगली
कोई आदम-खोर
आई बसदा ऐ मेर अपने अन्दर
ते लगदा ऐ भन्नन
मेरी आस्था दियां कन्धां
सेरे विश्वासें दे घेरे
मेरे निश्चे दी तानो
तां फी अदूं गै
उस्से वेलें में
ए चोर मनं दा
कड़डी औना ऐ
दूर कुतं · · · ।

फुल्लें दे हासे, नां ब्हारें दे साये, मेरे हिस्से आये तां कंडे गै आये ।

> नां जांता कुसै, नां गै पड़ताल कीती, ए प्यारा दे चरचे हे किस्से खुआये ।

बड़े दुबख बुज्झ, बड़ हिरख लाये, बो फो बी ओ साथी होई गे पराये।

> उसी पिंजने दी बी के लोड़ साथी, थोई गे जिसी रेजे कत्ते कताये।

ाघरै बद्दल गासा घनी रात छाई, नां साथी पुराने नां हिरखी गै आये ।।

## भुसमुसा

4

तेरे मिलने दी तांग सुखने - निहालप तृष्ति - खुशी, ते तेरे खिडने दी विरह - बेदन दुनख-पीड़,

इनें दरंगी चेतें दें भुसमुसे च गैं बीती गेया ऐ मेरा जीवन नमाना।

W

भरे जीवने दा कनवास
नां ऐ कोई महा - काव्य
नां कोई लम्मी क्हानी
नां कोई उपन्यास भारी
नां गं इक सियासी डायरी
बिजन तेरै ए बझोंदा ऐ——
समें शा खिंडे दा
वे - मतलवा
छड़ा इक लीक - वलीका · · · ।

半

में बनजारा आप - मुआरा नां में भुकेया नां में भुकना, चलै दे रस्ते मेरे कन्ने नां में रुकया नां में रुकना।

> चलना गै बस कम्म ऐ मेरा बत्ता कोई बसां नईं ऐ, बत्त तपी दी लू - लू करदी बौह्ने गित्तै छां नईं ऐ ।

हिरख नमुल्ला बन्डंदा फिरना में रूपा दा इक बपारी, जीने दा जो देन सनेड़ा गीतेंदा में अमर लखारी।

> ममता भरे पटारू बण्डां नगर-नगर ते गैह्ली-गैह्ली, खुशहाली दा लेई सनेड़ा सजा ना, खेत्तर, पैली-पैली।

चुनी - चुनी में सलदा जन्ना कंडे वत्ता कुसै खलारे, सैंसां. भूरे, चेते, आले ए मेरे जीने दे स्हारे। हर ओठै गी गीत मिलै साकार होऐ ए मेरा सुखना, चलै दे रस्ते मेरे कन्ने में नई रुकेया, में नई रुकना।।

> में बनजारा आप - मुआरा नां में झुकेया, नां में झुकना, चलै दे रस्ते मेरे कन्ने नां में रुकेया, नां में रुकना ॥

> > 000

"जदूंतक लो ऐ अक्खींच जदूंतक सुआस सुआसेंच। मेरे सज्जनें ऐ पक्क औना बस इयें आस आसेंच।।"

## इक सलाह इक अश्बरा

举

मते दिनें दा एं दिवखं ना तुगी दुआस - दुआस ते चुप - चाप जन, पता निकोह्के .... चेत्ते - भूरें एें तूं डुब्बे दा खनरें कोह् के न्हेर एें तूं खुडबे दा, तूं हार नईं हिम्मत तूं छोड़ नई हौंसला रात होऐ भांए किन्नी गै लम्मी ते किन्नी न्हेरी फो वी आखर होना ऐ ऐंत एदा ते गासै गी वेधिय दिवखना ऐ सूरजै दी चिट्टी लोई ने।

ते ए---न्हेरा - लो दूख - सुख फल्ल - कडे वस इयें न ग्रंग जीवन दे इये तत्त - सार जीवन दे मडो, इक्कै नेह दिन बी इत्थें भला क्सै दे रींह देन। पर. फी बी .... मेरे साथी, मेरे दोस्त! इक सलाह, ऐ इक मशबरा जे. मेरा ए जीवन तां गै सफल ऐ जे में तेरै किसै कम्म आई जां, की जे.... इस संसारे अन्दर हर मानु गी ऐ मानु कन्ते डक सांझ इक हिरख इक नाता

सुच्चा दर्द दा नाता ते जेदे उप्पर ऐ खड़ोती दी ए कन्च मनुक्खता दी, आ, में लेई लैं तेरे दर्द सारे ते लै बन्नी तेरे दुक्खें दा बुशका चुनी लैं इक - इक करी में सब्बे कड़े तेरी जीवन क्यारी दा ते टंगी देयां तेरी हर पतझड़ी टाह्ली उप्पर कलियें दा इक सुच्चा हासा 🌢

0 0.0

## ए चन्न तुन्दा

\*

सोह्ना-सुन्दर अत् गै बांका स्व ऐ जेदा छैल सुन्हाका पीला - पीला ओ इक चन्द्रमां। सीतल ठन्डी लोई दा ऐ जिसगी बरदान थोए दा ते बनी जन्दा ऐ जेड़ा उपमा गोरी दे साकार मान छलैपे दी जां फी ऐ जेड़ा सुन्ने दा गै इक बाला नीले अम्बर टंगे दा।

ब' अज्जे दे इस साई सी जुगे अन्दर ओ नई बांका ओ नई सुन्दर अत्त भ्यंकर अत्त गै बंजर जेदा जिंजर . . . . भिड्डी - पत्थर रेत - जन्खर ते उड्ड - खड्डबे प्हाड - टिब्बे बगानी लोई दे स्हारे जेढ़ा घटदा बधदा चलदा - फिरदा छडा इक परखामां, धरती शा उपर एक पडां मंजल दा पह्ला मोड़ दना भर बसोने गी, की जे अज्जै दे मानु दी मंजल ऐ, चन्ने शा बी दूर में अगों।

पर मेरी इस
भुक्खो बस्ती लेई
जेदे बसनीक न
इस्तै घरती दे मानु
जेढ़े कल बी कड़कदी धुणा

ते वरम को सहयो ल्ला dead bie मान है लिल हेह बलावे रोड ० पत्यर नाली लक्क लम्मा करनो सिङ्का हो छातो उपर १ So 16 : 17 ए जन्म नहीं 0 4 0 6181 इक मनव दा छोडा पीला पीला गोल-गोल तन्ती हुएमें आ दूरकृत वीलं अध्वर तमे बा ।।

जेदा पिजर . . . . मिट्टी - पत्थर रेत - जन्खर ते उब्ब - खडुब्बे प्हाड़ - टिब्बे बगानी लोई दे स्हारै जेढ़ा घटदा बधदा चलदा - फिरदा छड़ा इक परछामां, धरती शा उपर इक पड़ां मंजल दा पह्ला मोड़ दना भर बसोने गी. कीजे अज्जै दे मानु दी मंजल ऐ, चन्ने शा बी दूर गै अगों।

पर मेरी इस
भुक्खो बस्ती लेई
जेदे बसनीक न
इस्सै घरती दे मानु
जेदे कल बी कड़कदी घुष्पा

ते अज्ज बी सड़दी लूआ तिड़कदे पिन्डे जलदे हत्थें रेह् बछांदे रोड़े - पत्थर काली लुक्क त्तममां कच्ची सिड़का दी छाती उप्पर । उन्दे लेई . . . . . ए चन्न नईं ए ते ऐ छड़ा इक मक्कें दा ढोडा पीला-पीला गोल-गोल उन्दी ह्रम्बे शा दूर कुतें नीलें अम्बर टगे दा।।

★

कैसी अजीब ए दुनिया ऐ कैसे अजीब लोक, मनै दे छिन्डे रेह् बने उयां करीब लोक।

> अौखी ही, जां ओ सैह्ल ही, ओ ते निभी गेई। कैसा हा ओ समां, हे किन्ने खुशनसीव लोक।

तने 'पटल्लाते नईं जीने दा बी संदोख, देसे मेरे दे अज्ज बी किन्ने गरीब लोक।

सुक्खें दे साथी सब जरो, दुक्खें च इक्कले, चलदे न आपूं अपनी चुक्की सलीब लोक ।

उन्दे बिजन ते पुज्जना हा मंजला 'प म्हाल, स्हाड़े ते बनी गे जरो साढ़े नसीब लोक ॥

दिवखी सुनी चंगी चाली जाची परखी जोड़ करी स्हाब मेली बनझाई लैता ऐ में अपनी उमरा दे इस बैलेंस शीटा गी। जित्थें बचे दे न अज्ज छड़े किश बुड्ढे चेते आप - मुहारे ते किश गल्लां होइयां बीतियां भज्जी - ढठी दी मढ़ियें साईं। मेरे जीवनं दो इस पास - बुकै दा स्हाब बी किन्ता टकोदा ऐ।

हिरखें दा समुन्दर लम्मा ऐ
ते मनं दा टापू लौह्का
आसें दे जाले घने न
ते भूरें दा धुआं काला
दम घुटदा ऐ।
चेतें दियां संगलां भारियां न
ते दुआसी दियां सीखां मुट्टियां
त्रुटदियां नई
चकोंदियां नई
छाल्ले पेई गे न।
खबरैं मिमी आं कोई
काले पानी दा कैददी।

तुन्दे मगरा ए मन मेरा अत्त गै बैतल अत्त बतूरा चुप्प - चपीता भुल्ला - भुल्ला भड़कदा रौंह्दा चौनें कूटें गैह्लीं - बजारें ते तुपदा रौंह्दा किश गुआचे दा। ते फी खीर--हारी - हुट्टी चुनदा रौंह्दा कत्तल - कत्तल तुन्दे चेतें दी, फींगर-फींगर तुन्दे विश्वासें दी . . . ।

### खुद्मुखत्यारी

\*

जदूं बी कदें-कदें नि दिन्दी दना बी घ्यान सरकार मेरी नगरी दी जनता दी बह्बूदी उप्पर। ते जुआन ही खियां तांगां ते मेदां

लगिदयां न कलमान उन्दी बेरुखी उप्पर। ते उन्दे जुलमें दी शकार ए बेबस मने दी बस्ती तयाई दी तरसी पौंदी ऐ प्यारें दी फुंगे - फुंगे लेई, फाकें - फाकें होई नढाल लगदी ऐ दम तरोड़न। पत्तर हिरखें - रीझें दे लगदे न झड़न बरदी बरसाती इहारा ते एमनी, वादे, नारे होई लोप सब्बे मची जन्दी ऐ इक भगदड इक धान्दली मेरी आसें दी हर नुक्करा। भुक्खमरी, दुक्ख, लचारी सैंसां, भूरे ते दुआसी बे-रुखी, बे-बसी ते तंगदस्ती वनी प्रेत सब्बे लगदे न फिरन मेरे मनैं दी गली-गली, तां अवसर उस बेली मनं च औंदा ऐ मेरैं जे उतरी आमां अज्ज मिमी बगावत उपर ते करी देयां एलान अपनी खुद-मुखत्यारी दा।

4

मेरे मन दी इस वस्ती अन्दर दूरं दूरे तिकर ऐ छाई दी इक घनी द्आसी, घिरी आई दी ऐ घोर चुप्पी, चेतें दे तम्बू मकान ते मानु छड़े न चुप - चपीते टिके दे परछीरे वे जान कुप्पड़ - पत्थर। जिंदड़ी दा ए लाका अजकल किश मता गै बरान लबदा ऐ।

ए आसें दे मेले, ए रीतें दे मेले सुन्हाकी, बड़ी सोह्ल प्रीतें दे मेले, समें दे कुतैं सोह्ल ओठें दे उप्पर ए हिरखी, बजोगी, ए गीतें दे मेले।

> मने दी एरीझें ते आसें दे मेले ए नैने दे मेले, ए प्राणें दे मेले, ए जिंदगी दे सुरैं - तालें उप्पर ए भाखें दे मेले, ए तानें दे मेले।

भीरें दे मेजे, गरीबें दे मेले ए दूरें दे मेले, करीवें दे मेले, जीवन दी अनजानियें बत्तें उष्पर ए सारें दे सांभे नसीब दे मेले।

> ए हिरखें दे मेले, सुआसें देमेले बड़े रगले ए दनास दे मेचे, ए खुशियें दे मेले, हासें दे मेले ए खेडें दे मेले, तमासें दे मेले।

जीवन दी फी न्हेरियों संजें अन्दर ए मेले, ए रौनक कुतै बी नि रौह्ने, ए रूपें दे गाह्की, छलैपें दे जानू कोई बी नि ए काल्ले अग्गें खड़ोने।

> ए दुनियां बी ते इक मेला ऐ यारो छड़ी मोह्ते समता, माया दी नगरी अीना घड़ी भर बसोना ते चलना एबनसे तेरे सब्बै किश सबाब सफरी।

ए आसें दे मेले, ए रीतें दे मेले पुन्हाकी, बड़ी सोह्ल प्रीतें दे मेले, समें दे कुतै सोह्ल ओठें दे उप्पर ए हिरखी, बजोगी ए गीतें दे मेले।।

बदलें दे तम्बू तनोए दे हीखी दे किल्ले गडोए दे होनी दो कानी त्रिक्खी ऐ समें दी नजर पैन्नी ऐ मलाह् गी आक्खो— मछुआ नई खोलै तुफान ते गेदा ऐ भाएं थमोई ब'त्राह् ... अजें बी बाकी ऐ।

\*

जदूंतक दोस्तो इस जिन्दड़ी बिच साह् बी बाकी ऐ, ने राह्, जीने दे बाकी पीने दी ए चाह् बी बाकी ऐ।

असें ए मन्नेया जे घा अजें छाती दे अल्ले न, अजें ते सकत बाकी ऐ, अजें ते साह् बी बाकी ऐ

पटोने नि कदम अग्गें ए मजल दूर गै रौह्नी, जदूतक झक्खड़ें दाबिन्द सारा त्राह्बी बाकी ऐ।

भाएं कोई मंजला दा चिन्न जां साथी वी नईं लब्बै, चली चल तूं जदूं तक साहें दे बिच साह् बी बाकी ऐ।

ए केह्ड़ा थार ऐ साथी मेरे जीवन दी बत्ता दा, कोई बी दर्द नि बाकी नां कोई आह् बी बाकी ऐ ।

\*

अज---बत्त भाएं न्हेरी ऐ ते समें दे पर पूटठे, वे - रैह्म बदल न मेरी आसें दी बस्ती उपर. दुआसी दे भक्खड़ न भूल्लं दे चबक्खे, ब' तुसें गी मेरे हीले - सुखनें पर भला खिझ की ऐ ...? अत्त कुंगले न भाएं लौह्के न औंकर इस खेतरें दे ब' इनें गं कल मठोइये देनी ऐ इक नमीं व्हार जुगं गी।

कुतं चुप - चपीता कुत बनी भू चल कुतै महांमारी कुतै जगी बद्दल ते फो इस्से चाली ए काल ब्हरूपी बदली - बदलियै केई रूप अपने फिरै करदा ऐ घर-घर लंघं करदा ऐ गली-गली निगलै करदा ऐ ... हिरख - छलेपे ते जोवन मरोड़ं करदा ऐ जीन्दे ग्रंग-अंग ते नचोड़ै करदा ऐ लऊ सुच्वा मेरे इस बीतदे जुगै दा।

# तुस चाहो बी तां....

\*

दुनियां दी . . . . . इस मंडी अन्दर
हर चीजा दा ऐ मुल्ल अपना
मान-छलंपा अपना ।
डै-डै करदी
चिट्टी चाननी
अत्त गै सुन्दर
अत्त सुहानी
भरी दिन्दी ऐ गोदां भाएं
हिरखें दे
सोह्रेन - सुच्चे फुल्लें ने ।

पर, इस सां - सां करदी काली राती दा बी ते ऐ मुल्ल कोई थार कोई। की जे, एदे पिच्छें गै ऐ मान स्वातम इस चाननी दा। इन्दा ऐ नाता गूढ़ा प्रीत ऐ गूढ़ी संजोग गूढ़ें।

इस्से चाली
मेरी सजनी
मिमी आं इक बंदा-गैह्ना
त्रुट्टा - भज्जा
अत्त पराना
तुन्दी बाहीं उप्पर गै नई छुड़ा
तुन्दे मने अन्दर बी डगना एँ
पर, फी बी आं सुन्ने दा
तुस चाहो बी तां . . .
तुआरिये सुट्टी नई सकदे ।

मिमी आं अज इत्थें इक कोई वुड़ा रुक्ख छड़ा खड़ोते दा ऐ जेढ़ा कुतै दूर - दराडें न्हेरी बत्तें दे इक चरस्ते उप्पर दुंखर गलांदे न लोक जिसगी।

जवानी दियां सब्बे वरासतां रौंसा-ब्हारां पुम्बलियां - पत्तर हून सुख्ने न होये-बीते दे। इक्कै-इक बस कल्ल-मकुल्ला समें दे काकले शा पिछड़े दा प्रोत आ खबरै कोई क्सै प्रोत नगरी दा।

ए हुसन, जोर-जुआनी ते हीखियां सब्बे रेई गेन कृते दूर गै पिच्छें खिण्डी गे न पत्तरें साईं जीवन दी इक पत्तझड़ी सञा ते नईं परतोए कदें बी दना 'क मेरा हाल पुच्छने गी।

छड़ा इक पैंछियें दा जोड़ा किश अनमना जन ते सहमयां-सहमयां ऐ अजे बी बेठे दा मेरी उपरली टाह् ली दे इक नुरगनं ते जिसी अज में रातीं दे अध-मझाटै फुसर-फुसर करदे सुनेया ऐ जे कल असें जाई बस्सना ऐ कुतै ठण्डिया छामां . . . ।

जदुं बी में चलदा-चलदा हारी - हुट्टी जन्ना एें इस जीवने दी लम्मी बत्ता उपर । कोशशां. जतन ते निश्चे सब्बै होई जन्दे न नाबर। में ढेरी ढाइयं निम्मोझाना होई लगना एँ दना'क बसोन क्सै अनजान नुकरा। तां फी उस्सै लै कोई आई भूनकी जन्दा ऐ मिगी जे ए नईं ऐ तेरे बौह्ने दा बेल्ला तेरे बसोने दा बेल्ला चलना गै जीवन ऐ

ते रुकना नां मौती दा तूं दुआस नईं हो ते छुड़ नईं हौंसला श्रो दिक्ख हां सामने तेरें कदूं दी मन्जल खड़ोती तुई ऐ हाम्बं दी। हून ते लोड़ ऐ मड़ेया छड़ी इक गै हीले दी....।

#### इक दुश्रास संज

\*

समें दा ए इक पेहिया कदें रुकेया नि दना भर चलै करदा ऐ नित्त गै एचाल अपनी ...। दिन, बार, साल, म्हीने बने दे न छड़े इक गुलाम जन ते घसटोऐ करदे न एदे कन्ने-कन्ने, ए रुतां व्हारां मौसम सब्बे परतं करदे न वासे अपने-अपने . . . पर, फी बी इक सज उयौ दुआस संज जदं अस दोऐ खिंडे हे अजें बी खड़ोती दी ऐ मेरी छज्जी दे थल्लै बड़ी ऐ निम्मोझानी ते अत्त गै दुआस-दुआस कुसै भटके दे मुसाफरा साई' मेरे चेत्तें दी सौंगड़ी गैहला ....।

0 0 0

तुसें गै ते पैह्ल कीती, मुंह्बी फी मोड़ी गे, तुन्दे पिच्छें चेत्त साढ़ें दूरें - दूरें तोड़ी गे।

> चलो तुस तुन्दे कन्ने मंजलां बी चलदियां न, अस चले रस्ते बी साथ साढ़ा छोड़ी गे।

बाग भांए सांझे न नसीब बक्खो - बक्ख न, कुसै फुल्ल खुन्डे, कुसै कंडे गे तरोड़ी ले।

> उद्धमी हे बड़े जेढ़े मज़ला 'प पुजनी गे, दुएं गिते परें दे नशान महेशां छोड़ी गे।

चरचे जुदाइयों आले दूरै तोड़ी पुज्जी गे, साढ़ा ते कसूर नई ऐ, तुस्सं साथ छोड़ी गे॥

0 0 0

# इक नां मेरा होंदा

☆

में कवि आं ते अज्ज कृतं दूर-दराड कुसँ इक नुक्करा च घटोए - घटोए दा संगोए - संगोए दा (ढाका 'फाल' होने शा किश गै चिर पैहलें) मोर्च करना, जे मिमी कदें कोई सपाही होंदा मुक्ति फीजा दा तां मेरे हत्थें अजज ए कान्नी नई इक स्टेनगन होंदी ते कुस मोर्चे उपपर

बैठे-बंठे दा लग्गी दी निशिस्ते चा निकली दी गोली लंघी जन्दी बेघी जन्दी उस बे - दर्द छाती गी जित्यें कोई दिल नईं पत्थर ऐ आई बस्से दा।

ते जां फी हुन्दा में
कोई चालक
कुसै तेज ज्हाजा दा
कुसै भारे टैंका दा
ते तड़ो-ताड़ बराही दिन्दा
बरखा फी गोलें दी
ते लंघी जन्दा
दलदा-मलदा
कुसै मस्त हाथियै साईं
पापी मानुयें दे
काले - मेले पिजर ।

ते एँत लड़दा - लड़दा अपनी इस जिंदड़ी गी बारी दिंदा अपने इस देसै उप्पर जे अजादी दी अमर क्हानी च दो अक्खर मेरे होई जदे लाऊआ दे सूऐ समुन्दरा च चार तोपे मेरे होई जंदे ते मरने आलें दी चन्दी च इक नां मेरा होंदा ....।

# इक माडर्न पेंटिग

女

ओ धिनखो हां दना 'क पिछले पासै उस कन्धा दी इक बक्खी बनको दो सोह्नो-मुन्दर चित्रछाया खिच्चे करदी अपने पासै, भावें दी इस मंडी अन्दर इक चीज नमीं ऐ इस जुगै दी। रंगें दी ए माया नगरी किछ थोब्बे . . . किश लीकां... किश पोचे ...।

ए के इक चींतड़ा जन जां उब्ब-खड़ुब्बा कोई टिब्बा जेदे उप्पर बैठे दा चरवाल कोई अपनी लम्मी भाखें राहें सद्दै करदा चिरै दी खिण्डी अपनी गद्दन।

नईं, नईं
ए ते ऐ कोई सूहा-पीला
किश तम्बू जन तनोए दा
तांगें दे धागें बज्भे दा
रंगोए दा चितरोए दा
ए कुतैं डोली ते नईं
छैल-सुन्हाकी गोरी दी
कहारें दे मूडें उप्पर।

ते किश ए चिट्टे थोवे जन
वभोंदी ऐ इक टोली मिक्की
जागत-पूगत न्यानें दी
जेढ़ी ऐ हस्सै करदी
झांक करदी
जुगै दे शीशे अन्दर
ते बलगै करदी किन्ने चिरं दी
औने आली ब्हारेंगी।

ए काले-काले भौंगर जन

लब्बे करदे मानु नई उन्दें गै परछामें जेढ़ न बेजान मड़े हाम्बै करदे दूर कुतै सुन्न-मसुन्ने गासै गी।

पर, ए के ऐ, इक लीकर जन
बिच्चो-बिच दूरै तिनकर
पूरे गै कनवासै उप्पर
ते आस-पासे किश ए बाह्मा
हाम्बं करदियां इक दुऐ गी।
लीकर नईं
ए ते ऐ
दरेड़ मनै दी
इक सरहद ....
इक दोक समें दी
जेड़ी मिलन निं दिन्दी
मानु गी मानु ने।

ते किश ए पोचे जेढ़े बलैं दे न भाम्बड़ जन उर्दु दे अग्गी दे लोरे लब्बै करदे 'वितनाम' दी जंग ते दूरै तक्कर उडदी कालख लिम्बै करदी मुंह मनुक्खता दा।

छोड़ मना ए रगड़ं-झगड़ ए नई मेरी समझा दो गल्ल ए ते न भाव मनं दे डींगे-त्रेडे गुंजल-खौदल जेढ़े न भटके करदे आप मुहारे सेरै साई .....

मनै दे अन्दर खौदल की ऐ चेतें दी परचोल बी की ऐ, तुन्दी इस हिरखै दी नगरी यारो ए घमचोल बी की ऐ।

> गे कुतां गी सुच्चे हासे किसी गुआचे सोह्ल गड़ाके, इनें सन्हाके मुखड़ें उप्पर की न्हेरें दे काले बासे ।

भुवख, लचारी नैनें छाई किसी होआ बे-हाल, गीत गुआचे, ओठ प्यासे होया मंदड़ा-हाल ।

> सोझ गुआची, हासे रुस्से आस फिरी बी जीने दी, अत्त पराना फट्टा चीला ममता फिरी बी सीने दी।

में न्हेरें दी छाती चीरी लेई मसैरा दुरना ऐ, लचार इनें में जीवें गो इक देइयें स्हारा दुरना ऐ।

> में सारै चानन बण्डने न पतझड़ें गी पत्तर देने न, आसें दी बंजर धरती गी किश औंकर-बत्तर देने न।

> > 000

बनजारा

मते दुख जरे ते, मते जैह्र पीते, तुसें बी ते के के नई जुल्म कीते ।

> कदें ताह्ने-मीह्ने, कदें रमजां-बट्टे, असें बी नमें रोज लंगार सीते।

नजर ही न्यानी टिकी तुन्दे उप्पर, तुसें हसदे-हसदे बी दागे पलीते ।

> कुसै गी पता के बिजन तुन्दे साथी, कियां उमर लंघी कियां साल बीते।

घुले बी जले बी बो ओ कित्त लेक्खं, उमर ही लम्मी ते निक्के हे फीते।।

0 0 0

# इक खत-इक चिट्ठी

1

मनै दे इस टाईप राईटरं उपर चढाई भावें दा में कोरा काकल छपदा गे रौह्न्ना अक्सर नेरे चेते दे रंगीन अक्खर। ते फी बंद करी समें दे बरंग लफाफे अन्दर तेरी बजोगी वारी दे खींगरे भित्तें च सृद्री औन्नां ऐ चुप-चपीता पता नि अजें तिककर किन्ने 'ग खत्त-पत्तर त्गी थोए न . . . . ?

में कदूंदा स्रदरले भित्त गुहाड़ी देया करना ऐ खड़्त पैह्रा, कदुं औग ... कदुं औग कोई . . . . सनोचेया अजे तक नेई कोई छेड़-छड़का, नां गै लब्भा पैरें दा नशान कोई छड़ा, टंगोये दा ऐ पछौंकरा जन इक भलाखा, जेहड़ा घड़ी दे पैंडुलम साई हिल्ला दा ऐ बरोबर।

#### मन करदा ऐ

¥

जदू कदें जित्थें बी कृत नजर जाई खड़ोंदी ऐ कूसै तत्ती - जलदी, बलदी काली शिङ्का दे उपपर लगो दे सुलवुल-सुलवुल करदे तिइकदे पिण्डें सरकदे शरीरे हट्टों-त्र ट्रो दे ब' फी बी, कम्मै च रुज्झे दे नंग-मनु गे मानुयें उपपर तां मेरी दुआस अक्खिये अग्गें आई खड़ोंदे न चुप-चाप किश गिल्ल्यें दे हाम्बदे चेह्रे वेसे दा भविक्ख तां उस्से लें मने च औंदा ऐ मेरे जे में फींगर-फींगर करी देयां इस माजवादी शीशे गी।


000

"असें ए मन्नेया पैण्डे न औक्खे दूर ऐ मजल ब'फी वी पुज्जना ऐ ढलदिया सन्। शा किश प्हैले।"

जिन्दड़ी दी सुनसान बत्ता ए जीवन मेरा कल्ल-मकुल्ला चुप-चर्पाता दुआस - दुआस छड़ा इक निर्जीव परछामां कुसं बनदी-म्हिसदी लीकरा साई टंगोचे दा ऐ भाएं किश गै साहें उपपर व'वलगे करदा ऐ किन्ने चिरै दा इक औने आले कल्लै गी जड़ा पक्क ओना ऐ।

0 0 0







कवि ने मती कौड़तन चक्खी दी ऐ, मतियां तलिखयां जरियां न । उन्दा गै रूप इनें कवताए च उच्भरदा ऐ।

—विश्वानाथ खजूरिया

में 'वनजारा' कविता संग्रह दियां सब्वें किता पढ़ियां न। ए विते च भाए लीह् कियां न, पर गूढ़शाब भरोचियां गुथलियां न। डीगरी काव्य क्षेत्र च इन्दी काव्य शैली अपना विशिष्ट स्थान रखदी ऐ।

-डा॰ चस्पा शर्मा

'वनजारा' सग्रह में अनुभूति, उच्च कल्पना, सृजन-प्रक्रिया, प्रवाहपूर्ण भाषा और भावों की ताजगी देखकर मैं गद्गद हो गया।

—डा॰ हरदेव बाहरी

संगृहीत कविताओं में रचनाकार की हव्टि एक नि:स्पृह एवं तटस्थ चिन्तक की हव्टि है। इस नवोदित कलाकार में इतना सामर्थ्य है, प्रतिभा है यह जानकर परम हर्ष हुआ।

- डा० संसार चंद्र

